

juden genczlich entledigen, ab her yn selbens nicht löste. Actum feria quarta post epiphania Domini anno quo supra.

a) *alles durchgestrichen*

252.

1412 Juni 25; 1414 --

Matthis Murbyr vermachet die Hälfte seiner Hinterlassenschaft der St. Katharinenkirche und erneuert die Stiftung.

fol. 37r ^(a)Wisset das vor uns komen ist in unsern vollen sitzenden rath Matthis Murbyr und hat mit wolbedachtem mute alle syne habe an husze, huszgerethe, an gelde und geldis wirt und an allir syner habe, bewegelich und unbewegelich, wy dy namen hat, dy her iczunt hat und ymmer gewynet, bestalt geschigket und bescheiden nach synem tode halb czu dem gotishusze czu sente Katherin kirchen, dy denne ane alle widersprach syner erbin und erbnemen ungehindert folgen sal, wenne alles das her hat gar und gancz irarbeite und sin gewonnen gut ist. Acta anno domini millesimo etc. XII sabbato post Johannis baptiste.

Item anno domini millesimo quadingentesimo XIII^o hat her^{b)} vor nuwer dy schigkunge in allir masze alle vorgeschr(ieben) stet.

a) *alles durchgestrichen, Fingereigzeichnung am linken Rand* b) *über die Zeile geschrieben*

253.

1414 März 19

Peter Eibenstock und Klaus Salveld schlichten ihren Streit.

fol. 37v ^(a)Wisset das Peter vom Ybenstogke und Claws Salvelt, unsere mitburger, alle yrer sasche (!), dy sich czwischen en bis uf deszin tag hute vorlouffen an rechenunge, an schulde und wy dy bruche namen haben mogen, nictes usz geschloszen, by uns dem rathe und unsern eldisten mechtlich blibin sint unde habin sy gancz unde gar gutlich, fruntlich bericht, voreynt und geschiden, das sy der ewiclich kein einander nymmer gedencken noch gefordern sullen, also sy vormals ofte an einandir gefordert habin. Welcher undir yn des bruchick wurde und der richtunge nicht hilde, das yn es ein bedirwe man adir frauwe besagete, den czu glouben were, so sal der, der da bruchig wurden ist und der richtunge nicht heldet, ein gemach an unser Frauwenthore von syn selbins geczuge und synen gelde vorlonen und buwen noch anewisunge des rates. Dar by sint gewest Conrad Bernhart, czu der czit burgermeister, der alde burgermeister Lazan, Heinrich Kaldenkoch, Hans von Stechaw, Peter Korber, Horlman, Hans Kelner, Herman Otte, Herman